



03. oktober 2018

UKA2018/197-198

Imm. 197

Uunga siunnersuut: Qamutit motorillit akiileraarutaat pillugit Inatsisartut inatsisaata allanngortinneranik Inatsisartut Inatsisaat nr. Xx,xx. Xx 2018-meersoq. (Qamutit motorilinnut taamaallaat innaallagissamik brintimilluunniit ingerlatilinnut plug-in hybridilinullu akitsuut kiisalu igitassanngortitsinermi akiliut)

Aamma

Imm. 198

Uunga siunnersuut: Eqqusuinermi akitsuutit pillugit Inatsisartut inatsisaata allanngortinnerqarnera pillugu Inatsisartut inatsisaat nr. Xx,xx. Xx 2018-meersoq. (Plug-in hybridbiilit akitsuutaat, biilinnut innaallagissamik imaluunniit brintimik ingerlatilinnut akitsuummik akiliisussaanninngineq kiisalu qamutit motorillit nunaannakkoorutit minnerusut akitsuutaannik atorunnaarsitsineq).
(Aleqa Hammond, Nunatta Qitornai)

Nunatta Qitornaanit isumaqarpugut suliniutit suut avatangiisitsinnut illersuutitut siunertaqartut ilassilluagassaasut, tamannalu aamma akitsuutit aqquutigalugit isumatusaartumik eqqunnarneqartillugit atorneqassappata. Taamaattorli aamma isumaqarpugut akitsuutinik eqquussinaannarluni eqquussineq tapersorsorneqassanngitsoq, avatangiisinut allatigullu sunniutigisinnaasai isumatusaartuunngippata.

Biilit qamutillu motorillit avatangiisitigut mingutsitsinngitsut aqquatsissiuunneqarlutik amerlanerusunik atorneqarsinnaanerat tapersernaqaaq aammalu isumaqarpunga inuiaqatigiinni anner-tunerusumik tamakkununga atugaaleriartuinnarnissaanut tamattaalluta aqquatsissiuusseqataanisatsinnut pisussaaffeqartugut. Atuuffik aammalu siunertaq inuiaqatigiinnut tunngasutigut sunni-utissai nalilersortuarneqartuarlik. Inuiaqatigiinni tamani naligiimmik atugassaqartitsineq anguniar-neqartillugu inatsisitigut tunngaveqartumik iliuuseqartassaagut tamanit atuutsinneqarsinnaasuunissaat qulakkeeqqaarlugu, tamannarpiarlu pillugu apeqquusernarpoq ilumut atui-sussat tamarmik piareersimanersut aammalu atuisuusunit siunnersuut qanoq isumaqarfigi-neqarnersoq paasissallugu .Isumaqarpugut nalilersugassat amerlasut, soorlu susassaqrifiit isumaat, sunniutigisineqarsinnaasut suneri, piffissaanersoq maanna inatsimmik taama ittumik atu-utsitsilernissaq imaluunniit allaqqinnaat sunniutit eqqumaffigisariaqakkat isumaqarpugut ataatsimiititaliami susassaqartumi suliarineqartariaqartut.

Sunniutigineqarsinnaasuni iluaqutissat amerlapput amerlasuulli mianersorfissat eqqummaariffigi-neqartariaqartutut isumaqarfigaagut.

Nunatta Qitornai

Inatsisartuni



Taama oqaaseqarlunga Imm 197 aamma imm 198 ataatsimiititaliamut susassaqartumut innersuupavut suliarineqartussanngorlugit.